

NO. FAIL. SUK.D. 200(01) 600/10 Jld.5 (14) KERTAS BILANGAN : 26/2013/D 1 (1)

**KERTAS CADANGAN TERIMA PAKAI SURAT PEKELILING  
PERKHIDMATAN BILANGAN 9 TAHUN 2013 MENGENAI PEMAKAIAN  
TWO/THREE – PIECE PANT SUIT BAGI PEGAWAI WANITA SEMASA  
BEKERJA**

**1. TUJUAN**

1.1. Kertas ini bertujuan untuk memohon pertimbangan dan kelulusan Majlis Mesyuarat Kerajaan bagi menimbang cadangan menerima pakai Surat Pekeliling Perkhidmatan Persekutuan Bilangan 9 Tahun 2013 mengenai Pernakaian *Two/Three – Piece Pant Suit* bagi pegawai awam wanita Kerajaan Negeri Kelantan semasa bekerja.

**2. LATAR BELAKANG**

2.1. Jabatan Perkhidmatan Awam Malaysia telah mengeluarkan Surat Pekeliling Perkhidmatan Bilangan 9 Tahun 2013 bertujuan untuk

memaklumkan keputusan Kerajaan Persekutuan yang membenarkan pemakaian *two/three – piece pant suit* bagi pegawai awam wanita semasa bekerja.

- 2.2 Peraturan mengenai etiket pakaian pegawai awam semasa bertugas dinyatakan dalam peraturan 6, Peraturan-Peraturan Pegawai Awam (Kelakuan dan Tatatertib) 1993 [P.U.(A) 395/1993] yang dijelaskan melalui Pekeliling Perkhidmatan Persekutuan Bilangan 2 Tahun 1985 mengenai Pakaian Masa Bekerja dan Semasa Menghadiri Upacara-Upacara Rasmi Bagi Pegawai-Pegawai Awam. Perenggan 2.2.1 Pekeliling ini menyatakan “*Slacks*” atau pakaian seluar tidak dibenarkan pemakaianya bagi pegawai wanita semasa bekerja atau menghadiri upacara rasmi.
- 2.3. Sehubungan dengan itu dan bagi menyesuaikan dengan kepelbagaian bidang yang diceburi oleh kaum wanita dalam perkhidmatan awam ketika ini, maka Kerajaan Persekutuan membenarkan pemakaian *two/three – piece pant suit* bagi pegawai awam wanita semasa bekerja atau menghadiri upacara rasmi kecuali upacara tersebut telah menetapkan pakaian tertentu.

2.4. Kerajaan Negeri Kelantan juga telah mengeluarkan Pekeliling Perkhidmatan Bilangan 1 Tahun 1993, Peraturan Berpakaian Masa Bertugas Bagi Anggota Perkhidmatan Awam Negeri Kelantan. Perenggan 3 Pekeliling ini menyatakan, semua anggota Perkhidmatan Negeri adalah dikehendaki mematuhi peraturan-peraturan berpakaian yang disesuaikan dengan aspirasi Kerajaan sebagaimana berikut:

#### **Anggota Perempuan**

- i) Pakaian yang dipakai hendaklah jenis yang longgar serta menutup aurat yakni seluruh tubuh badan dilindungi oleh pakaian kecuali bahagian muka dan dua tapak tangan hingga ke pergelangan tangan. Pakaian ini juga hendaklah:
  - a) Tidak merupakan bentuk perhiasan kecantikan.
  - b) Tidak jarang kainnya.
  - c) Lebar dan tidak sempit, sehingga menampakan bentuk badan.
  - d) Tidak berbau wangi-wangian.
  - e) Tidak menyerupai pakaian lelaki.
  - f) Tidak merupakan pakaian yang menjolok mata: dan
  - g) Tidak merupakan pakaian yang aneh yang boleh menarik perhatian orang ramai.
- ii) Bagi anggota yang tidak berugama Islam pakaian kebangsaan atau pakaian kaum masing-masing yang sopan dan

sesuai dipakai untuk bekerja. Pakaian jenis ‘skirt’ hendaklah labuh melindungi lutut.

iii) Pakaian seragam hendaklah dipakai bagi semua anggota yang dibekalkan dengannya.

### 3. ASAS-ASAS PERTIMBANGAN

3.1. Pakaian *two/three – piece pant suit* adalah sesuai untuk kakitangan wanita yang bekerja dalam bidang teknikal yang sentiasa bekerja di luar kawasan pejabat, dimana kerja-kerja lasak perlu dilakukan. Pakaian ini juga adalah sesuai dipakai pada hari bekerja biasa.

### 4. PENGESYORAN

4.1. Berdasarkan kepada faktor-faktor di atas, maka Majlis Mesyuarat Kerajaan disyorkan supaya membuat pertimbangan samada bersetuju atau tidak Surat Pekeliling Perkhidmatan Persekutuan Bilangan 9 Tahun 2013, Pemakaian *Two/Three – Piece Pant Suit* bagi pegawai awam wanita semasa bekerja sebagaimana dilampiran ”A” diterima pakai untuk kakitangan awam wanita Kerajaan Negeri Kelantan.

### 5. KEPUTUSAN

5.1. Majlis Mesyuarat Kerajaan adalah diminta membuat pertimbangan dan keputusan samada bersetuju atau tidak bersetuju dengan pengesyoran di para 4 di atas.

DISEDIAKAN OLEH:



(HAJI MOHD ZAINUDIN BIN MOHAMED)  
Pengarah Bahagian Pengurusan Sumber Manusia

Bertarikh:  Muharram 1435H  
Disember 2013

DISEMAK OLEH:



(DATO' HAJI ISMAIL BIN SAMAH)  
Timbalan Setiausaha Kerajaan (Pengurusan)

Bertarikh:  Muharram 1435H  
Disember 2013

**BAHAGIAN PENGURUSAN SUMBER MANUSIA  
PEJABAT SETIAUSAHA KERAJAAN NEGERI KELANTAN  
KOTA DARULNAIM  
KOTA BHARU.**



## KERAJAAN MALAYSIA

---

### SURAT PEKELILING PERKHIDMATAN BILANGAN 9 TAHUN 2013

---

#### **PEMAKAIAN TWO/THREE - PIECE PANT SUIT BAGI PEGAWAI AWAM WANITA SEMASA BEKERJA**

#### **TUJUAN**

1. Surat Pekeliling Perkhidmatan ini bertujuan untuk memaklumkan keputusan Kerajaan yang membenarkan pemakaian *two/three - piece pant suit* bagi pegawai awam wanita semasa bekerja.

#### **LATAR BELAKANG**

2. Peraturan mengenai etiket pakaian pegawai awam semasa bertugas dinyatakan dalam peraturan 6, Peraturan-Peraturan Pegawai Awam (Kelakuan dan Tatatertib) 1993 [P.U.(A) 395/1993] yang dijelaskan melalui Pekeliling Perkhidmatan Bilangan 2 Tahun 1985 mengenai Pakaian Masa Bekerja dan Semasa Menghadiri Upacara-Upacara Rasmi Bagi Pegawai-Pegawai Awam. Perenggan 2.2.1 pekeliling ini menyatakan "*slacks*" atau pakaian seluar tidak dibenarkan pemakaianya bagi pegawai wanita semasa bekerja atau menghadiri upacara rasmi.

Semua Ketua Setiausaha Kementerian


Semua Ketua Jabatan Persekutuan

Semua YB Setiausaha Kerajaan Negeri

Semua Pihak Berkuasa Berkanun

Semua Pihak Berkuasa Tempatan

*Two-Piece Pant Suit*



***Three-Piece Pant Suit***

